

中國方志叢書·華南地方·第二七一號


據

清·董樞修，羅雲禧等纂
清乾隆五十三年修，民國十二年重印本

影印

雲南

河西縣志



成文出版社有限公司印行



10101794

河西縣志

中華民國六十四年 月臺一版

河西縣志

全冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司


內政部登記證內版台業字第一一四七號

續印河西縣志跋

河西縣志自乾隆續修以還通人碩士文臣武將孝子節婦踵接輩出以及風俗土產之變遷移易若繼此不修將就湮沒然則早宜從事於續修者審矣矧但續印乎持以續修所費不貲無從劃款爰姑即前人所以修者續印二百部而共葆存之以爲來日續修之根據耳印費共洋三百元議決由河昂五區分擔其提議續印而任厥勞者勸學所長王君子才從事續印而勲厥事者馬君合洲楊君幼齋者君緒昌云

民國甲子冬十二月之吉

邑居士王錫壬跋



序

志乘之作所以紀事實也邑無志乘則其邑之田賦兵馬城垣廨舍沿革幾不可考甲子春余奉檄來宰河西公暇卽索邑志以觀余云僅勸學所中存有一帙倘係以重價自藏書家購獲者余慨鳳毛麟角此帙已同桑世之珍而時值多事之秋恐抱殘守缺此帙終不可長待至壽歿而續印之俾其廣於流傳以作永爲保存之計至於續修余非不有此志也惟才與財現均處兩窘之鄉則留以俟諸後之君子云是爲序

歲在民國十三年甲子中秋月貴陽黃寶森謹識於河西

官廨

續修河西縣志序

志者誌也蓋取記載之義春秋褒貶予奪法戒並用而志則撮其善者書之於簡大都是教人做好人之意云爾或莫爲前美弗彰莫爲後盛弗傳河邑山川人物城郭倉庫前人志之詳矣惜自康熙壬辰以後書缺有間風雨殘而日月老其間不知湮沒幾許物事悲夫畢節肅公有志未逮今逢西蜀 華公來宰茲土公廉明斷勤愍慈祥風琴雅管武城之雅化重新湛露甘霖西京之黍苗再潤廣樂善之心行獎勵之道令都人士撝採遺行不拘一節筆之書冊續成前志庶

千秋萬歲之後猶得指而目之曰某也忠某也孝某則介節
堪誇某則高科足錄誰不鼓舞奮發競相勸勉也哉愚忝司
鐸思端風化爰從諸君子後略爲之序以爲後之有志者勸
乾隆戊申孟夏之吉河西縣儒學教諭羅雲禧撰

續修河西縣志序

往嘗坐菡萏池上趁涼風披閱河西縣志悉自前明萬歷庚
辰以迄

本朝康熙壬辰前後凡三措手并不繆斷但自壬辰迄今又七
十有六載矣人士彬彬日上賢夫婦能卓然知禮義重操守
而時邊境遇未暇表章君子弔喪魂之沒沒冷若寒潭傷勁

之凄凄薄如秋草爰有志焉而未逮歲

丁未我

邑侯已登重公攝篆斯土越期年政成人和嘗試載酒延賓
登三壘高處俯仰流連喟然感嘆而示客曰此間山水尤佳
得尖峰聳入雲霄所生才乃更不可意量顧予將奉

命有遠行矣事之大者莫如邑乘其諸紳士暨先生肯爲我一
摅求乎諸紳士頓首謝曰謹受命遂以今戊申之春三月開
館局於古照樓下筆花爭艷墨沼流香不兩月而稿成敬沐
手以獻我

邑侯周慎再四乃分別義類大書細書一再書仍付在館局

屬遂爲刊竣卽茲一事而賢大夫發微闡幽樂與爲善之心
於是乎著矣夫蠅蟬杞水間氣時鍾其自明以前豈無瑰奇
特出之材可以輝映前古爲法後世者而書缺有間自今以
往人才之輩出可考而知已第予於前明李元初解吉士兩
先生竊有感焉忠孝人所共飭也而心爲甚方束裝就道時
一哭耳而終身不離膝下去國從亡後一走耳而白首不返
江南哀彼孝思乃眞儒慕懷茲忠蓋可謂寔寔能如是是亦
足矣士生千載以後不務斬勝乎古人而惟求得子此心之
安然後其精靈能與天地同不朽蓋不獨蒼蒼泱泱爲之歌
咏於無窮也已時乾隆戊申四月八日河西縣儒學以

衡管兩導事杜國英撰

舊序

歲甲辰

主上軫念西邊雲南地丁銀米與蜀粵黔省一例獨除年種人和
政刑多暇余惟焚香靜坐披閱圖史而已展及縣志從未發
刊鯉然進紳士謀之竊惟禹貢職方春秋史記而外班氏
廣之曰志志與史相伯仲也河西爲畝町支邑漢唐以來戰
之西南彝傳玉斧繼劃往來莫稽明代人文蔚起一統志足
徵矣我

朝聲教廣訖日度聿新河雖百里九封有民人焉有社稷焉其往

跡軼事類多湮沒顧勿登梓逾久失傳是守土者之責也志
欲梓必加增修自來修志比於修史然史易而志則難史起
居有注章奏有編而志有是乎史不得則求之譜三桓七穆
今有克言先世果如郊子其人者乎世廟時邑先達張一鶴
創有邑乘兵燹後杳無可尋芳也數千里勞人於數百年掌
故怳怳行雲霧中耳志之難如此可若何歟曰志何甚難之
有今

上一十二年續修各省志體列進呈舊尹楊公樵異聞菟故實森
志繼備二十九年續奉纂修舊令李公仍集縉紳孝秀廣羅
遺事諮訪遺聞討論訂訛縣志視昔加詳今公史才施於志

乘游刃有餘繼往增來潤色翦蕪恢恢乎 邑成書志何
甚難之有余唯唯自惟汲深窘於短綆幸諸君子僉謀既協
而剗剗隨焉芳獲稽數言以升之首不愈於今人姑付後人
今歲復待他歲者乎若夫鴻臚定則邑人湘珮王君而隸
校分席則教諭佩菴段君至徵文考獻伐策市藤以佐余之
不逮而又請序於予者則河之薦紳先生海士弟子員矣法
得并書姓名於條例之左

康熙三十三年歲次甲戌孟秋月知河西縣事上黨劉芳撰
河西縣志舊序

皇帝立元之二十九稔雲南通志告成鑠以

進既而布之郡縣雖全漢顧末瞭若指掌矣河西之在漢固彈丸黑子之區以之附於句町其大略已具雖然有

國史亦有野史豈可以蕞爾區而不必專爲志乎夫河西地雖曰休澣關雖曰曲陀而杞麓泓濤琉璃蒙嶺山川之秀人物斯鍾粵稽有明自張公一鶴編輯縣志垂百餘年來不無殘缺失次甲戌之秋邑侯劉公謀修之因訪於郡人士其時郡人王君出其繕本卽請裁於賢侯復參覈於衆甫閱月而書成將壽顰梨命予爲序予不敏獲勳是役竊歎時之難得必俟其人物之將成實有其數今以劉侯之賢也廉明以治民忠信以化盜三載於茲事不煩而民不擾故公餘得以一意

講求大加潤色以王君之才也博物洽聞益以崇論宏議且
數年蒐輯苦心較創始張君之掇管倍難等創始者惟恐其
不文而蒐輯者惟恐其不實余曩者閱全蜀舊乘見昔人云
莊蹻略地而馬開邊而不知神農地籍日月之表演迺遠不
遠於骨利音郎則謂滇在古未通中州不亦陋歟而況黑水
滄海之辨過於拘竹浮木花之說鄰於誕卽武侯犒軍傳以
湯團白石升菴禹揆夢於魚目黃衣一時摭摭紕繆令千載
後不且徵信而復徵疑也哉然則是舉也必有確見其大者
遠者以故無關於政治人心者雖奇弗取有裨於典型鑑戒
者雖瑣不厭誠得是義雖一邑也一名也一物也可以備在

上者之採風而式古可以使在下者之鏡古而知今是則邑
侯纂輯斯志之意也夫

康熙甲戌仲秋之吉河西縣儒學教諭古寧段繼撰

河西縣志舊序

王者於久道化成之後必蒐九州之遺蹟勒爲成書以昭鉅
典此一統治之所由作也然在天下有全志在各省有通志
莫不由一郡一邑之圖彙而集之蓋以地有廣狹賦有繁簡
俗有質文民有機詐而治之寬猛莫不於是乎因之是故求
治者恒孜孜於博採風謠旁按野史審其形勢察其輿情先
後緩急多所權衡庶有裨益焉河西地瘠民樸義且經兵燹往

籍無古二十三年纂修滇志之日按之輿圖訪之傳聞以及
里巷之斷聞殘篇取而參酌之其中不無掛漏之虞是以於
二十九年奉續修之

檄終不敢以疑信相半者冒昧呈之以爲粉飾之具文今郡守
下車未幾郡屬之民情土俗大而賦役丁徭微而土貢方物
疆域邊近靡不周知良由十五國之吏治民風其間因革損
益得失盛衰於涉獵經史之暇已犁然心曰間矣猶飭所轄
各呈邑志齎覽誠留心民瘼調劑寬猛之至意也爰是因舊
稿而編次之用以報命行治（見行）日以優訟獄日以平教化
日以勸將河嶽效靈而人文蔚起轉移之功顧不偉歟異日